

est: aut tempore alicuius Regis sequentis: nō
 verò tēpore Regis Achab. qui præcessit Regē
 Achaz per ducentos ferē annos. Et equidem
 vsq; ad Achab Regem Israelis & Ioram filiū
 eius, Idumæa non solum non nocuit Iudæis,
 imò verò erat illis subiecta. vt in 4. Reg. ha-
 betur. Non ergo admiserat cōtra Iudæos sce-
 lera, quorum eam accusat Abdias. ¶ Stat igitur
 probabiliter sententia, Abdiam non vi-
 xisse tempore Achab, Regis Israel. sed tempo-
 re Achaz Regis Iuda, vel successorum suorū.
 Achaz inquam, cui bellum intulere Tyrij,
 Philistæi, & Idumæi. qui crudelissimè tracta-
 uere deuictos. ¶ Et hoc bellum erit nobis
 lux, & stella, quam nauigantes per huius
 Prophetæ procellosum pelagus, continenter
 aspicimus.

4. Reg. 8.

CAPVT I.

VISIO Abdia. Hæc dicit Domi-
 nus Deus ad Edom, Audistis au-
 dinimus à Domino: & legatum
 ad gentes misit, Surgite, & con-
 surgamus aduersus eum in prælum. Hæc ver-
 ba, & ferè totum hoc Abdia caput habetur
 apud Ieremiam, qui nobis alicubi Abdia e-
 rit interpret. Primò, titulum suæ prophetiæ
 indidit Abdias, scilicet Visio Abdia, id est,
 Deus Abdia lumen prophetici dedit: in quo
 vidit Abdias, quæ in hac prophetia pronun-
 ciavit. Igitur visio & reuelatio facta Abdia
 est, quæ sequitur. de lumine prophetico vide

Iere. 49.